

eorum aspectu, illi uero qui distant siue declinant in septentrione uel in meridie aspectus eorum erit distantia suorum centrorum unus ab altero *

quæ distantia non cum gradibus eclipticæ correspondet, nisi æqualiter essent in latitudine una, oppositiones uero istorum tam existentium in ecliptica quam habentium diuersas latitudines, uidelicet, unius septentrionalem alterius meridionalem æqualiter in gradibus & minutis oppositiones ueræ sunt. Sed si omnes declinant in una parte siue latitudine aliqua distantia, quamuis sint in gradibus oppositis, tamen inter se nulla est oppositio, si distantia erit maior ab ecliptica quam corpus planetæ, & hoc accidit quando nullus effectus oppositionis apparet, propter: ut diximus: eorum latitudines. 24

Oppositiones uero infortunarum in diuersis latitudinibus terribilis erit effectus earum, demonstrabunt inducentque effectus uelociter interficientes & auferentes uitam, siue dum alter duorum dispositor domini ascendens fuerit siue non, dummodo auctoritatem in octaua habuerit, non tamen inducunt effectus, si leuior iam recesserit ab oppositione, quamuis paucis gradibus, sed timorem & extremum periculum inducunt. Alleviant hoc malum in parte, aliquando in totum, si Capricornus ascendens fuerit adiutorio tamen infortunarum manu tenet gradum ascendentem. 25

In omni re, potissime in omnibus natiuitatibus imagines ascendentes in horizonta considerabis, quia in animis earum effectus ualde imprimuntur maxime dum erraticæ cum ipsis assimilantur in natura & in forma, & quando cum ipsis faciunt, idemque stellæ fixæ primæ magnitudinis existentes in latitudine zodiaci simul, & una ascendentes cum ipsis, est quidem iudicium harum occultum, nec uidi his temporibus nostris aliquem, qui ad hoc uerteret ingenium. 26

In omni esse anni cum Mars puenierit in signis humanis maxime in Virgine tempore quo Sol erit in Scorpione. Si Mercurius dominus loci Martis & Venus quæ exaltatur in opposito retrogradebuntur in Scorpione. Morbum crudelissimum esse designat, potissime in illis locis, in quibus erit uel Virgo uel Scor